

U skladu s članom 22a. stav (1) i članom 22. stav (3) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13) u svojstvu rukovodioca institucije,

Valerija Galić dostavljam sljedeću

(Ime i prezime rukovodioca institucije)

## IZJAVU

### o odgovornosti za ostvarivanje ciljeva

Ustavni sud Bosne i Hercegovine

(Naziv institucije)

za 2023. godinu

A) Ciljevi utvrđeni Programom rada institucije za 2023. godinu, koji je usvojen od Sjednice Ustavnog suda Bosne i Hercegovine, dana 10.08.2022. godine, ostvareni su kako slijedi:

Red. broj	Ciljevi utvrđeni Programom rada	Procenat izvršenja
1.	Smanjenje broja neriješenih predmeta	49,7%
2.	Skraćivanje vremena rješavanja predmeta	100%
3.		
4.		
5.		

#### Obrazložiti razloge odstupanja:

1. Na dan 31.12. 2023. godine pred Ustavnim sudom je bilo 7933 neriješena predmeta, dok je 2022. godinu Ustavni sud okončao sa 3942 neriješena predmeta. Osnovni razlog ovako evidentnog povećanja broja neriješenih predmeta pred Ustavim sudom je nemogućnost održavanja sjednica Velikog vijeća, na kojima se u normalnim okolnostima donese veliki broj odluka, a koje se ne može sastati zbog neimenovanja dvoje domaćih sudija umjesto sudija koji su otišli u penziju 2022. godine. Ustavni sud je sada prisiljen sve predmete rješavati isključivo na plenarnim sjednicama. Međutim, na ovaj način se može riješiti samo ograničen broj predmeta. Ovakva situacija traje počev od novembra 2022. godine i tokom cijele 2023. godine.

2. Za izračun ovog procenta uzeto je vrijeme rješavanja isključivo za predmete koji su završeni, a prosječno vrijeme njihovog rješavanja u 2023. godini je bilo 202 dana. Ovaj podatak treba promatrati u kontekstu ostvarenja prvog cilja, tj. da je tokom 2023. godine, zbog objektivnih okolnosti, riješen mali broj predmeta.

B) Sredstva odobrena budžetom za ostvarivanje utvrđenih ciljeva u ukupnom iznosu od 8.515.601 KM utrošena su namjenski, svrsishodno i zakonito prema sljedećoj strukturi:

Red. broj	Rashodi	Odobreno budžetom (uključujući sve izvore finansiranja)	Izvršeno
1.	Plate i naknade	7.462.000	7.202.540
2.	Materijalni troškovi	624.000	553.658
3.	Kapitalna ulaganja	429.601	391.579
4.	Tekući grantovi i transferi		
5.	Kapitalni grantovi i transferi		
	<b>UKUPNO</b>	<b>8.515.601</b>	<b>8.147.777</b>

## Odstupanja izvršenja rashoda u odnosu na odobrena sredstva rezultat su:

1. **Plate i naknade** – Uštede nastale u okviru plata zaposlenih, jer dva radna mjesta sudija koja su ostala upražnjena u 2022. godini nisu popunjena ni u 2023. godini. Takođe, višemjesečna odsutnost sa posla nekoliko zaposlenih zbog njihove privremene nesposobnosti za rad – bolovanje rezultiralo je nižim indeksom izvršenja na ovoj budžetskoj stavci.

Uštede nastale u okviru naknada zaposlenih su rezultat nižih stvarnih troškova na ime isplate jednokratnih pomoći, odnosno broj isplaćenih jednokratnih pomoći zaposlenima je manji nego što je bilo planirano za 2023. godinu i izvršeno prethodnih godina. Dodatno, zbog upražnjene dvije sudijske pozicije, smanjeni su i troškovi odvojenog života, smještaja i prevoza do mjesta stanovanja/prebivališta. Niži stvarni troškovi na ime naknade za ishranu tokom rada u odnosu na planirane su rezultat višemjesečne odsutnosti sa posla nekoliko zaposlenih zbog privremene nesposobnosti za rad (bolovanja).

2. **Materijalni troškovi** – Uštede nastale kao rezultat restriktivnog planiranja i trošenja raspoloživih sredstava polazeći od prioritarnih obaveza Suda.

U okviru međunarodne saradnje Suda za pojedina putovanja delegacije Ustavnog suda BiH, organizator je snosio troškove avio karata, smještaja i ishrane (London – mart 2023. godine, Ankara – april 2023. godine), troškove smještaja i ishrane (Beograd – juni 2023. godine; Ankara, ljetna škola – septembar 2023. godine; Budva – oktobar 2023. godine) i troškove smještaja (Priština – oktobar 2023. godine; Sofija – oktobar 2023. godine; Varšava – novembar 2023. godine; Beograd – novembar 2023. godine; Skopje – novembar 2023. godine). Dodatno, Plenarna sjednica Suda planirana za maj 2023. godine je otkazana, dok je sjednica u novembru 2023. godine održana on-line, tako da nije bilo troškova dnevnica, smještaja i avionskih karata međunarodnih sudija, usljed čega je došlo do ušteta na kategoriji putnih troškova.

Uz maksimalnu racionalizaciju korištenja fiksnih i mobilnih usluga kao i poštanskih usluga ostvarene su određene uštede. Takođe, usljed odustanka od štampanja publikacije Info Ustavnog suda BiH izostali su i troškovi njene distribucije, što je znatno uticalo na visinu izdataka poštanskih usluga.

Smanjena upotreba službenih vozila zbog smanjene potrebe za prevozom sudija od mjesta rada do mjesta stanovanja/prebivališta i nazad (nepopunjavanjem dvije sudijske pozicije), manje korištenje službenih vozila za službena putovanja u 2023. godini (većina putovanja realizovana korištenjem avionskog prevoza), te prodaja jednog službenog vozila u septembru 2023. godine, uticalo je na manju potrošnju goriva, što je dovelo do niskog indeksa izvršenja. Takođe, tržišne cijene goriva nisu imale veće oscilacije kao u prethodnoj godini.

Provedene e - aukcije u okviru pojedinih procedura javnih nabavki uslovile su mnogo povoljnije cijene usluga, što je rezultiralo i nižim stvarnim troškovima.

Troškovi registracije vozila, kao i osiguranja imovine i službenih vozila ostvareni su niže od planiranih troškova usljed ostvarenih povoljnijih uslova kroz postupak javnih nabavki.

3. **Kapitalna ulaganja** –Usvajanjem Zakon o budžetu institucija Bosne i Hercegovine i međunarodnih obaveza Bosne i Hercegovine za 2023. godinu, Sud je dobio saglasnost za namjensku strukturu kapitalnih izdataka za 2023. godinu, sa izmjenama u avgustu, septembru, oktobru i novembru 2023. godine. Kapitalni izdaci su realizovani u potpunosti u skladu sa izmijenjenom namjenskom strukturom. Ostvarene povoljne cijene u okviru procedura javnih nabavki rezultirale su nižim

stvarnim troškovima u okviru kapitalnih ulaganja. Ukupno izvršenje kapitalnih izdataka za 2023. godinu iznosi 391.579 KM i predstavlja 91 % korigovanih budžetskih sredstava za ovu namjenu. Ukupan iznos realizovanih nabavki u 2023. godini iznosi 236.657 KM, a preostali dio nabavki u iznosu od 154.922 KM realizovan je na osnovu zaključenih ugovora sa dobavljačima u skladu sa Uputstvom broj 08-16-1-8801-1/15 od 26. oktobra 2015. godine, te će biti realizovan u 2024. godini.

**C) Sistem finansijskog upravljanja i kontrole u instituciji uspostavljen je na ekonomičan, efikasan i efektivan način u skladu s poglavljem IVa. - Finansijsko upravljanje i kontrola (čl. 33a. do 33i.) Zakona o finansiranju institucija BiH, Standardima interne kontrole u institucijama BiH, Priručnikom za finansijsko upravljanje i kontrolu u institucijama BiH i ostalim podzakonskim aktima. Preporuke i zaključci nadležnih institucija u vezi s uspostavom i razvojem finansijskog upravljanja i kontrole realizovani su kako slijedi:**

Red. broj	Preporuke/zaključci	Naziv preporuke/zaključka	Realizacija
1.	Realizacija preporuka Ureda za reviziju institucija BiH koje se odnose na uspostavu i razvoj sustava finansijskog upravljanja i kontrole i poduzete korektivne radnje	1. U Izvještaju o finansijskoj reviziji Ustavnog suda BiH za 2022. godinu nije bilo preporuka koje se odnose na uspostavu i razvoj sustava finansijskog upravljanja i kontrole.	
2.	Realizacija zaključaka Vijeća ministara BiH koji se odnose na posljednji usvojeni godišnji konsolidirani izvještaj o sistemu finansijskog upravljanja i kontrole u institucijama BiH, kao i drugih zaključaka Vijeća ministara u vezi sa sistemom finansijskog upravljanja i kontrole u institucijama BiH	1. Zadužuju se institucije da realiziraju preporuke iz konsolidiranog godišnjeg izvješća o sustavu finansijskog upravljanja i kontrole u institucijama Bosne i Hercegovine za 2022. godinu; 2. Zadužuju se institucije BiH da nastave aktivnosti na razvoju sustava finansijskog upravljanja i kontrole, a posebno da realiziraju mjere i aktivnosti iz Operativnog godišnjeg akcijskog plana Strategije razvoja sustava internih finansijskih kontrola u institucijama BiH za 2023. godinu, 3. Zadužuju se institucije da donesu godišnje operativne planove za unapređenje sustava internih finansijskih kontrola; 2. Zadužuju se institucije BiH, koje nisu realizirale zaključke Vijeća ministara BiH u vezi s konsolidiranim izvještajima o sustavu finansijskog	1. Djelimično realizirano; 2. Djelimično realizirano; 3. Nije realizirano; 4. Djelimično realizirano

		upravljanja i kontrole u institucijama BiH za prethodne godine, da nastave aktivnosti na realizaciji donesenih zaključaka;	
3.	Realizacija zaključaka Parlamentarne skupštine BiH koji se odnose na uspostavu i razvoj sistema finansijskog upravljanja i kontrole u institucijama BiH		
4.	Realizacija mjera i preporuka Centralne harmonizacijske jedinice Ministarstva finansija i trezora BiH iz oblasti finansijskog upravljanja i kontrole u institucijama BiH	1. Aktivnosti utvrđene Operativnim godišnjim akcijskim planom Strategije razvoja sustava internih finansijskih kontrola u institucijama Bosne i Hercegovine za 2023. godinu 2. Izrada Godišnjeg izvještaja IK i dostavljanje Centralnoj harmonizacijskoj jedinici	1. Djelimično realizirano; 2. Realizirano; Izvještaj broj SU-07-1149-1/23 dostavljen CHJMFTBiH 15.2.2024. god.
5.	Realizacija mjera iz akcionih planova institucije za prethodnu godinu a koji se odnose na sistem finansijskog upravljanja i kontrole	1. U 2023. godini nije donesen akcioni plan institucije	1. Nije realizirano.

#### Obrazložiti razloge izostanka realizacije preporuka:

Ustavni sud Bosne i Hercegovine nastoji u što većoj mjeri postupati po preporukama i zaključcima nadležnih institucija u vezi sa uspostavom i razvojem finansijskog upravljanja i kontrole, te unaprijediti sistem finansijskog upravljanja i kontrole, međutim, potpuna realizacija nekih preporuka i provođenje određenih mjera zahtijeva duže vremensko razdoblje i kontinuirano postupanje. Od značajnijih aktivnosti u ovoj oblasti u 2023. godini može se istaći mapiranje dodatnih poslovnih procesa i izrada Verzije 2 Mape poslovnih procesa koja je unesena u PIFC aplikaciju. Ustavni sud planira u 2024. godini intenzivirati rad u ovoj oblasti. Dodatno, vezano za preporuke u vezi sa internom revizijom podsjećamo da je Odlukom o kriterijima za uspostavu jedinica interne revizije u institucijama BiH, koju je donijela Centralna harmonizacijska jedinica Ministarstva finansija i trezora BiH 27. kolovoza 2019. godine i koja je objavljena u Službenom glasniku BiH broj 59/19 (u daljnjem tekstu: Odluka), članom 12. utvrđeno je da će, u skladu s Odlukom Ustavnog suda BiH, broj SU-02-411/18, od 22. ožujka 2018. godine, Ustavni sud BiH samostalno ocijeniti potrebu za vršenje funkcije interne revizije u Ustavnom sudu BiH u skladu s odredbama Zakona o internoj reviziji institucija BiH.

Datum, **28.02.2024. godine**,

  
**Rukovodilac institucije**  
 Valerija Galić  
 (svojeručni potpis)

/